



Akcija policija Distrikta i SIPA-e u Brčkom

Zbog ratnih zločina uhapšeni Salaj i Mitrović

Redžo Salaj Sok (52) i Novak Mitrović (52) uhapšeni su jučer u policijskim akcijama u Brčkom zbog sumnje da su tokom agresije na BiH počinili ratne zločine. Salaja je uhapsila policija Distrikta Brčko u pekari u kojoj radi na tržnici „Arizona“. Policija Distrikta u pretresima je pronašla i velike količine oružja.

Nezvanično saznajemo da se sumnjiči za nečovječno postupanje prema zarobljenicima srpske nacionalnosti koji su tokom 1992. bili

smješteni u Gornjem Rahiću u blizini Brčkog. Pretresen je i stambeni objekt koji koristi Salaj u naselju Novo Brčko.

U naselju Brezovo Polje SIPA je uhapsila Novaka, rođenog u Prištini, nastanjenog u Brčkom. On je osumnjičen da je kao pripadnik 2. ozrenske brigade VRS, zajedno s drugim pripadnicima VRS, kao čuvar u logoru „Dom Franjo Herljević“ u selu Kamenica kod Zavidovića, držao protivzakonito zatočene civile bošnjačke i hrvatske nacionalnosti iz Zeni-

ce, Zavidovića i Zepča od juna do decembra 1992. U tom periodu, kako se sumnjiči, počinio je ubistva, mučenja i nečovječna postupanja prema zatočenicima. S. Z.

